

Die 20 Ianuarii

S. Euthymii, abbatis

Ant. ad introitum

Ier 17, 7-8

Benedictus vir, qui confidit in Dómino, et erit Dóminus fiducia eius; et erit quasi lignum, quod transplantátur super aquas, quod ad humórem mittit radices suas; et non timébit cum vénerit aestus.

Collecta

Deus, qui ómnia pro te relinquentibus in hoc sæculo céntuplum, et in futúro vitam ætérnam promisisti, concéde propítius: ut, sancti Euthymii abbátis intercessióne, discámus terréna temperáre desidéria, et Te super ómnia semper inquirere. Per Dominum.

LECTIO PRIOR

« Caritatem habete, quod est vinculum perfectionis »

Lectio Epístolæ beáti Pauli apóstoli ad Colossenses 3, 12-17

Fratres:

Indúite vos sicut elécti Dei, sancti et dilécti, viscera misericórdiæ, benignitátem, humilitátem, mansuetúdinem, patiéntiam, supportántes invicem et donántes vobis ipsis si quis advérsus áliquem habet querélam; sicut et Dominus donávit vobis ita et vos; super omnia autem haec caritátem, quod

est vínculum perfectiónis. Et pax Christi dominétur in cordibus vestris, ad quam et vocáti estis in uno corpore; et grati estóte.

Verbum Christi hábitet in vobis abundánter, in omni sapiéntia docétes et commonétes vosmetípsos psalmis, hymnis, cánticis spiritálibus, in grátia cantántes in córdibus vestris Deo; et omne quodcúmque fácitis in verbo aut in ópere, ómnia in Nómine Dómini Iesu, grátias ágentes Deo Patri per ipsum.

Verbum Dómini.

PSALMUS RESPONSORIUS

Ps 62, 2. 3-4. 5-6. 8-9 (R. 2b.)

R. Sitivit in te ánima mea, Deus meus.

- 1 Deus, Deus meus es tu, ad te de luce vígilo.
Sitivit in te ánima mea,
te desiderávit caro mea. *R.*
- 2 In terra desérta et árida et inaquósa,
sic in sancto appáruí tibi
ut vidérem virtútem tuam et glóriam tuam. *R.*
- 3 Quóniam mélior est misericórdia tua super vitas,
lábia mea laudábunt te. *R.*
- 4 Sic benedicam te in vita mea,
et in nómine tuo levábo manus meas. *R.*
- 5 Sicut ádipe et pinguédine repleátur ánima mea,
et lábiis exsultatiónis laudábit os meum. *R.*
- 6 Quia fuísti adiútor meus,
et in velaménto alárum tuárum exsultábo. *R.*

7 Adhaésit ánima mea post te,
me suscepit délixtera tua. R̄.

ALLELUIA

Ps 132, 1

R̄. Allelúia. Ecce quam bonum et quam iucúndum habitáre
fratres in unum. R̄. Allelúia.

EVANGELIUM

«*Vos qui reliquistis omnia et secuti estis me centuplum accipietis.*»

✠ Lectio sancti Evangélii secúndum Matthæum 19, 27-29

In illo tempore :

Dixit Petrus ad Iesum: « Ecce nos reliquimus ómnia et
secúti sumus te : quid ergo erit nobis ? »

Iesus autem dixit illis: « Amen dico vobis quod vos,
qui secúti estis me, in regeneratióne, cum séderit Fílius hó-
minis in throno glóriæ suæ, sedébitis et vos super thronos
duódecim iudicántes duódecim tribus Israel. Et omnis qui ré-
liquit domos vel fratres aut soróres aut patrem aut filios aut
agros propter nomen meum, céntuplum accipiet et vitam
ætérnam possidébit. »

Verbum Dómini.

Super oblata

Inténde múnera, quaésumus, Domine,
altáribus tuis pro sancti Euthymii memória propósita,
et sicut illum Verbi tui Incarnáti mystérium deféndere fecísti,
ita nos in veræ fidei professióne
stábiles usque ad mortem permanére concédas.
Per Christum.

Ant. ad communionem

cf Mt 19, 27-29

Amen dico vobis quod vos qui reliquistis ómnia, et secúti
estis me, céntuplum accipiétis, et vitam ætérnam possidébitis.

Post communionem

Divini múnemis participatióne refécti,
quaésumus, Dómine Deus noster,
ut, exémplo beáti Euthymii,
mortificatióne Iesu in córpore nostro circumferéntes,
tibi soli adhærére studeámus.

Per Christum.